





論說

調查戶口議

入其家而不知其子弟。僕從之有若干人。焉可以爲家。主乎入其室而不知其生計。重之有若干人。焉可以爲生。乎一國之有人。猶一家之有子弟。僕從也。一塾之有生。徒也。重也。子弟僕從之數。父兄必知之。而後可以治家。生徒重之數。教習必知之。而後可以施教。一國人民之數。有司必知之。而後可以治其國。我國號稱四百兆人民。其說習見於近日文字。實濫觴於外人之統計。夫以他國之人。留心政治。尙有統計之舉。而我國置之不顧。不識之者。數百年。考諸古者。必有版圖以稽戶口土地之數。故周立司民。爲掌民版之事。小司徒總其校比之法。而鄉遂之吏。與閭師縣師等分掌稽考而登之。每歲孟冬。司寇獻其書。王親拜受而藏之天府。其重之如是。良以戶口之息耗。與國政之治亂相關。而與役賦諸大端。咸著於其中。宜其分職之周詳也。西國亦重戶口。內而政府。外而郡縣吏。咸有丁戶清冊。每年一校修。無論都邑城鄉土著僑寄。凡一戶一丁。無不著於冊。而兼詳其年貌事業。警察兵又以時查閱之。故盜賊不敢發。而逃遁無所容。官有追捕。按冊以稽。無不得者。政治整肅。實藉有此。中國人民。生之富甲於五洲。國初因明舊制。以丁口定役賦。天下戶口。咸籍黃冊。定制三年一編。後改五年。凡里百有十戶爲一甲。甲推丁多者一人爲長。城內曰坊長。近城曰廂長。鄉曰里長。屆期坊廂里長。造冊送州縣。自是而府而達於部。凡著籍者。六十以上開除之。十六以上添注之。蓋地丁未并。故稽查戶口之法。精密如是。自雍正間。並丁稅地稅爲一。而官吏遂視戶冊爲不急之務。乾隆五年。又令停編。以保甲丁額造冊。顧保甲亦爲具文。煙戶門牌。任意填造。實力奉行。者百無一二。即間有編冊。亦止及城廂。鄉鎮已多不及。遠鄉僻壤。則幾同化外。故自餘年來。小民自生自息。無冊籍可稽。斯亦政治太疏闊之端也。自去歲憲政編查館奏開預備立憲。逐年應辦事宜清單。內有調查戶口一事。於是民政部乃奏訂調查戶口章程。頒布全國。以期實行。夫戶口之數。於立憲政治之關係甚多。一曰徵兵制度。必以個人年歲。定其義務年限。苟不調查。則於軍政有礙。二曰地方自治。其議員定額。必以戶口之多寡爲增減。苟不調查。則地方自治之選舉不能行。三曰立憲國必有上下兩院。而下院必以民選議員爲代表。而選舉區域。亦必從戶口之數而劃定。且選舉權及被選舉之資格。尤必以其人之年齡職業住所籍貫爲準。苟不調查。則於國會選舉。不能公平矣。

專件

憲政編查館奏城鎮鄉地方自治選舉章程清單 (續)

第九節 當選決定

第四十三條 凡選舉以得票較多數者爲當選。按得票多寡以次遞推。票數同者以年長之人列前。年同者由城鎮董事會或鄉董抽籤決定之。

第四十四條 當選人確定後。應即榜示。並由城鎮董事會或鄉董具名分別知會各當選人。

第四十五條 當選人接到知會後。應自會之日起五日。以內答覆。逾期不覆者。以謝絕論。

第四十六條 一人兩級均當選者。應自會之日起五日。以內答覆。逾期不覆者。亦以謝絕論。

第四十七條 前二條以謝絕論者。照城鎮鄉自治章程第一一十二條辦理。

第四十八條 凡應選者。由城鎮董事會或鄉董呈請地方官給予執照。並由地方官呈報督撫。彙咨民政部存案。

第十節 選舉變更

第四十九條 凡左列各款爲選舉無效

一 選舉人名冊有舞弊作偽情事。牽涉全數人員。公斷確實者。

二 辦理選舉不遵定章。公斷確實者。

三 照章解散者。

第五十條 凡左列各款爲當選無效

一 謝絕

二 告退

三 身故

四 被選舉資格不符。斷定確實者。

五 當選票數不實。斷定確實者。

六 當選後失其資格。斷定確實者。

七 受除名之處分者。

第五十一條 當選無效。如已給予執照。應令撤還。並將姓名及其緣由榜示。

第五十二條 每屆選舉年限。應行改選。議員出缺。至定額三分之二者。應行補選。選舉無效。一律改選。當選無效。一律補選。

第五十三條 補選以得票最多者補所出缺。中任期未滿最長者之缺。其餘以次遞推。票數同者以年長之人列前。年同者由城鎮董事會或鄉董抽籤決定之。

第五十四條 改選及補選一切應有事宜。均照本章程辦理。

第十一節 選舉爭議

第五十五條 凡選舉人確認有左列各款情事。得提起選舉爭議。

一 選舉人名冊有舞弊作偽情事。牽涉全數人員。

二 辦理選舉不遵定章。

三 被選舉資格不符。

四 當選票數不實。

五 當選後失其資格。

第五十六條 選舉爭議。由選舉人申訴城鎮鄉董事會公斷。不服者。申訴府縣。府縣公斷。仍不服者。呈由地方官核斷。如再不不服。由地方官申請督撫。交諮議局公斷。

第五十七條 申訴除第五十五條第五款外。應自選舉之日起三十日。以內爲限。

第五十八條 若選人員確信得票額數。可以當選。而未與選者得票。照前二條辦理。

第三章 城鎮董事會選舉

第五十九條 凡選舉總董二年一次。選舉董事及各譽董事。每年一次。於各該員應屆任期前三個月。前由城鎮鄉董事會。呈請督撫。呈報民政部。呈請派員監督之。

第六十條 總董用無名單記法選舉。以得票滿議員總數三分之一者爲當選。董事及各譽董事。用無名單記法。分次選舉。以得票滿議員總數三分之一者爲當選。票數同者。以年長之人列前。年同者。由法議長抽籤決定之。若得票不滿議員總數三分之一者。應即如法再選。以選出爲止。

第六十一條 總董選舉完畢後。由法議長將得票當選者。擬定正陪各一名。開列姓名。履歷。及得票數目。造具清冊。呈由地方官申請督撫。遞送一名。加副任用。咨報民政部存案。

第六十二條 董事及各譽董事。選舉完畢後。由法議長開列姓名。履歷。及得票數目。造具清冊。呈請地方官核准任用。並由地方官申請督撫。咨報民政部存案。

第六十三條 總董董事及各譽董事。均由地方官給予執照。第六十四條 城鎮董事會選舉一切細則。由城鎮鄉董事會。以規約定之。其選舉爭議。應申訴府縣。府縣公斷。仍不服者。呈由地方官核斷。如再不不服。由地方官申請督撫。交諮議局公斷。

第四章 鄉董及鄉佐選舉

第六十五條 凡選舉鄉董及鄉佐二年一次。於每屆任期滿三個月前。由鄉董事會議長。擬定選舉日期。招集議員舉行。並呈請地方官親臨。或派員監督之。

第六十六條 鄉董及鄉佐。用無名單記法。分次選舉。各以得票滿議員總數三分之一者爲當選。第六十七條 第三第四兩項所載各節。本條一律照辦。

第六十七條 鄉董鄉佐選舉完畢後。由法議長開列姓名。履歷。及得票數目。造具清冊。呈請地方官核准任用。並由地方官申請督撫。咨報民政部存案。

第六十八條 鄉董及鄉佐選舉一切細則。由鄉董事會。以規約定之。第六十九條 第二項所載各節。本條一律照辦。

第五章 罰則

第六十九條 以詐術獲選。選舉人名冊。或變更選舉人名冊者。處三元以上三十元以下之罰金。辦理選舉人員知情者。處一元以上二十元以下之罰金。或三十元以上六十元以下之罰金。

第七十條 冒用姓名投票者。處一元以上六個月以下之監禁。附加五元以上三十元以下之罰金。

第七十一條 以財物利誘選舉人或選舉人受財物之利誘。及居中周旋說合者。處一元以上二個月以下之監禁。或三十元以上六十元以下之罰金。財物入官。已用者。按價追繳。

第七十二條 以暴力脅迫妨害選舉人及選舉關係人者。處一元以上三月以下之監禁。或三十元以上一百元以下之罰金。

第七十三條 選舉人及選舉關係人。攜帶兇器者。處一月以上二月以下之監禁。或罰金入官。

第七十四條 加暴行於辦理選舉人員。或騷擾投票所開票所。或阻留毀棄選舉票。及有他有關選舉文件者。處一月以上六月以下之監禁。附加五元以上三十元以下之罰金。

第七十五條 辦理選舉人員。漏洩選舉票上之姓名者。處一元以上六月以下之監禁。附加五元以上三十元以下之罰金。其所洩洩非事實者。罰同。

第七十六條 辦理選舉人員。違法干涉選舉人之投票。或暗記被選舉人之姓名者。處一月以上三月以下之監禁。或三十元以上一百元以下之罰金。違法擅開投票區。或取出投票區中之選舉票者。罰同。

第七十七條 凡犯本則所定各條者。於處罰後一年以上五年以下停止其選舉權及被選舉權。

第七十八條 凡犯本則所定各條者。由審判廳審理執行。其未設審判廳地方。由地方官審理執行。

第六章 附條

第七十九條 本章程與城鎮自治章程同時施行。

第八十條 本章程如有未盡事宜。應行增改者。照城鎮鄉自治章程第一百十一條辦理。

第八十一條 城鎮鄉自治開辦時。第一次選舉會選舉。所以辦理選舉人員。應由地方官遴派充之。(已完)



要聞

破產律今年實行之說

頃聞政界人士農工商部商會現已決定於今年實行破產新律日內即行咨照修律大臣請將該律迅速纂定以便奏准後通飭各省一律遵行

電飭各省認真推廣農林

日前攝政王與樞府諸老討論農政張相謂農桑畜牧實為富國強民之本近年各省雖經振興農政多有未能切實謀求以致未克盡善難免棄利於地徒使外人覬覦除已飭農工商部預先妥籌詳章外現擬電致各省督撫飭屬認真推廣農林事業並將各屬現在所辦農林情形及氣候土宜一併詳細咨報農工商部查核以便切實改良力求推廣俾民生而固邦本

蔭午帥將次出京

蔭午帥將次出京蔭午帥奉命使德現已定於二十日出京鎮國將軍憲章赴國留學亦與蔭使同行赴德云

飭令照章減收電費

減收電費章程已經郵傳部具摺奏准已屆實行之期由部通飭各該局遵照新章劃一辦理不得稍滋流弊致干查究云

咨查懲勸陸軍情形

陸軍部咨各省督撫請本部前經奏定陸軍懲勸章程已通飭各省遵照在案查各省多有未能依限造報者實屬有違奏章務請通飭陸軍各軍隊照章切實施行並將懲勸情形按月詳細報部一次以備考查

郵傳部調查路員

郵傳部路政司現擬行知官商各路飭將各該路現用洋員數目詳細造報並將該洋員之國籍及現充之職務薪俸之定數合同之年限逐一聲明報部以備核辦

電告規定藏幣情形

政界消息溫大臣宗堯昨日電告政府詳陳關於藏幣一切規定情形請為奏明等語政府據於日

內即行具摺奏矣

西藏之警政

達賴喇嘛出京之時曾商請民政部帶往警員二人茲民政部擬咨行駐藏大臣俟該員等抵藏之後務請該員將藏地警務悉心籌畫仍將辦理情形隨時咨報以備查核

北京新聞

●飭停跳舞舊例○黃寺雍和宮等處每年舊例凡值廟會之際羣相跳舞徵逐以為戲樂現值國服未滿百日跳舞例應停止聞昨日已由海軍部知照各道州辦理  
●宿衛兵丁亦獲優獎○陸軍第六鎮因宿衛內廷開保已誌本報聞此次除官弁加級紀錄外各兵丁亦均賞食官餉以示優異  
●預備出京日期○欽天監因本年五月初一日日蝕必須先期具奏開刻正繪圖預備出奏  
●加派辦理京察人員○聞民政部堂憲因此次趕辦京察文冊所有機要科司員及撥派各員仍屬不敷辦公之用故目下又有加派人員之消息  
●凌京尹勸進廣學堂○順天府凌京尹以教育普及為造就國民基礎非設法推廣廣學堂難以普及昨特通飭所屬州縣勸諭董多方推廣公立廣學堂以補官立之不足云  
●預備游學生延試日期○昨日學部各堂憲會議延試東西洋游學生日期已定於三月初旬舉行各生等可先期預備以便隨時應試  
●飭飭派兵駐紮城門○聞提署昨日稟傳五營將以京師城門重地宜嚴加防衛飭將各城門附近各門撥派遊緝隊長一名兵十名常川駐紮以資防守  
●咨送江北統計表○聞江北提督昨日派員來京將該省光緒三十四年各營隊所一切出入款項數目詳列表冊呈送度支部查核  
●楊侍郎訂定宣慰華僑專章○農工商部現遵旨獎勵華僑聞已訂有專章預備於兵艦及洋時派員乘艦前往以便宣慰并開此項章程多由楊侍郎所訂云  
●飭呈改良小學之說帖○小學章程向不完備久為人所共知前經侍御奏明此項現聞學部各承奉因原奏所言多係實情而改良又非易易擬飭各司員呈遞說帖以便採擇  
●貽穀案又誌○日前法部承奉廳奉堂憲諭又提訊貽穀各犯員茲聞過堂時極為嚴密派司員數人往來巡視而貽穀供詞仍以挾嫌兩字搪塞云  
●催報禁煙罰款○民政部堂憲以前曾通咨各省飭將關於禁煙罰款由光緒二十三年七月起至三十四年十二月止共計動用若干現存若干造冊報部迄今查核尚有未報到者分昨復電催迅速開列具報并飭嗣後每季應照章報部以便核銷云

本埠新聞

●官場紀事○津浦鐵路大臣呂海寰尙書同辦大臣孫寶琦星使並幕府於十四日早九點鐘由津乘八十一號包車回京是時文武印委各員齊集車站恭送如儀  
●萬壽停輓○昨南段鐵路局所有應訊與現傳之案概行遣散囑令十四日來局聽審緣是日萬壽故也  
●提學使批示○天河師範畢業劉寶林等學費立初等以期教育普及一案批旨頗可采候行縣酌復核辦 香河縣文生孟景宜等呈請飭縣改派安紳辦理學堂並飭備地租存款以便學堂支用一案批據稟各節是否公論抑有別情候行縣查覆核奪  
●添設報館○有劉孟揚君創設民興日報擬在日界開設聞於二月初間出版  
●籌辦春撫○商務總會去年冬月因北鄉水災居民困苦查放急賑一則會紀前報茲值青黃不接之際災民望賑孔殷該會不日擬約各善士等會商籌辦春撫  
●停審四傳○各局區隊一體遵辦  
●東設船業公社○現有船民楊明義李隆榮楊瑞庭張萬魁等擬在津華設船業公社一處擬以研究招商凡仕商用船均可自便到社接洽運雇水脚等情在海關道署稟請當奉權憲查閱稟情是否可行與船戶航業有無窒礙札飭商務總會體察情形妥議具復核奪  
●工商演說○天津勸工陳列所正月十八日晚八點鐘至十一點鐘為本年開始演說仍在東宣講所內演說工商各項要理並添演各項專門實業云  
●副官對調○五局三區副官張培榮君與一局四區副官劉文烈君特奉憲委互相對調已於昨日到差  
●創設屠獸場○衛生局擬在天津設立屠獸場三所備同教者一所漢教者二所以為查驗屠獸病症而保衛生等因業經稟由天津道轉飭天津府轉飭商務總會查核  
●戲單飾詞○日界小廣寒茶園本係同樂落子館所改臺既狹隘又乏名角十二晚八點一刻偶借友往觀則已時演胡蝶夢矣會單上七點鐘演有定中原牧羊山除三害打龍袍柳林池等劇堂二句鐘內已將六劇演就心甚疑之及觀未劇戰兢亭一戲單上所開為伐東吳佈八陣過黃成彥託孤白帝城而所演則祇有劉備得關張凶耗哭祭及火燒連營而已無所謂陣圖過黃成彥及託孤諸劇蓋戲園自知脚色不足動眾故張飾戲單以欺人耳然則其所稱淫穢新聞亦屬妄言可不不必信  
●有礙衛生○鼓樓北沈家棚棚內有左近居民任意傾倒雪土穢物堆積時因春融化開殊於衛生有礙

預備印冊

預備印冊○廣東各屬開印即將本署舊點卯一次刻更房運向章預將花名印冊繕就以便十六日呈請呈尊於開印日備用

火警餘聞

火警餘聞○昨軍警學堂藥房失慎因已報登茲悉是日起火正值值勤警員清華外務部奏派前往上海幸曾辦王君率同人役奮往撲救一面撞鐘門前崗警立即鳴哨而北段消防隊到時火已將息緣該藥房所貯藥料係北洋醫院應用者於去秋由東洋購來計價不菲刻已據情電達總辦矣

河東小火

河東小火○河東水梯子王義當前王姓家內十三日晚七句鐘不戒於火隨經該處水會並南段巡警消防各局撲救始熄焚去草房一間

買煙懲罰

買煙懲罰○各煙膏局歷憑吸客持有牌照方准買給因昨白影壁張某吞煙遇救查獲案不吸煙並無牌照何以購來洋藥於是與署傳諭界內各膏局倘無照違章私行買給一經查出從重罰辦

著效獲獎

著效獲獎○實習工場分設十餘科經管理逐加考核去歲著有成效者惟織染木紡綢緞等科當提花紅分別給獎以為激勵

嚴密緝捕

嚴密緝捕○昨見總局派三道巡警率同印兵向興署掛號甚為嚴密聞係緝捕界內某甲

勒交逃犯

勒交逃犯○某署裁判員昨乘電車甫將幼子置於車上伊即開車該員即大聲急呼尾而追之又至一站始停該員登車即詰實與司機之人何以孩子上車大人未上爾即開行若輩恃勢蠻橫該員遂出名片以示之比至鐵橋即携子下車旋即派警判廳傳事吏向電車公司追要買票之石某石已遠颺當將石某到案一併究辦查賣票人常有不合舉動所望該公司嚴行整頓為幸

嚴密緝捕

嚴密緝捕○與界各棧專請緝捕住客晝夜聚賭抽頭事為與署訪聞當即派捕逐獲知照概行禁止

退還官懲

退還官懲○旺道莊下坡新莊居民多人前持械將公議分同確據羣毆在案判處成案經人調處於十一日又經該莊劉萬成三子將和事人並該莊趙某毆逐等情十二日復經和事多人將趙某毆逐旺道莊公所同紳董互相見面了結而劉萬成父子仍有與趙某毆逐之意

獲賭送局

獲賭送局○北段一局一隊副巡弁常慶去於十三日下午一點餘鐘在河東小關後街查獲賭犯黃三等四名並賭俱帶局訊明一併詳送總局懲辦



本公司股本規元壹佰萬兩總公司設在上海五馬路榮稱誠實今  
分設天津估衣街教慶隆內教請宋則久君爲天津董事專保水火  
兩險凡仕商欲保水火險者請移玉教慶隆本公司面議可也

經理人楊資甫謹白

書分二編先論尋常之實驗終論分析之法其於實驗上之注意試藥之調製及改製木塞玻璃管等法均詳細言之其分析上之實驗多取其極有興趣者全體一氣貫注序大清晰蓋化學之要旨皆備於此書中焉讀此於他化學書頭頭是道矣

本埠津報○北洋官報○北洋法政學報○日日新聞○大公報○中外實報○天津商報○教育雜誌○北京愛國報○北京女報○順天時報○北京實報○商務官報○北京日報○拼音字母官話報○官話合聲字母書○上海時報○南方報○中外日報○新聞報○同文滬報○外交報○政藝通報○國粹學報○東方雜誌○繡像小說○申報○代售北京拼音官話書報社新出各書列下○對兵說辭○石印拼音官話書○蒙政學○聖諭廣訓○經訓修身○植物學○動物學○中國歷史○地文學與地○地質○體操○算術○衛生○百家信○諸君定閱以上各報書本埠風雨勿阻外埠原班同件鄉祠南李茂林派報處啓

什蘇杭等處採置名家機坊新出頭等各色時花縐紗庫緞無不均備以供 諸紳商遂意選購較早時捷便尤多久荷賞試辱承  
鑒贊小號不得不格外招徠主顧克已相待以副 雅愛今擇初九日照常開張交易俟開江各貨到齊復登報告容請 賞覽乃  
幸 電話六百五十八號 本號主人謹白

本館現擬添聘北京特別訪友數員注重朝政時事要聞以消息迅速探訪確實爲合格如有熟悉政界情形而願就聘者請將探訪緊要聞連寄三天並將住址氏名註明來函以便延訂薪酬從豐不合者恕不作覆

本館謹白

售處 津法 四號 德堂 啟

院長醫學士山科祐二  
一門診 終日  
一出診 下午  
若遇重病症患者不拘時刻隨時  
往診院內有養病室數間極清潔  
津日本租界旭街日本共立病院

[illegible]



丙午學報

---

總發行所  
天津  
春面  
藥房

本藥房所發明之戒煙參茸茶葉實爲同胞掃除煙毒力圖自強之聖藥歷來購者莫不服而斷癮且亦絕無後患是以四遠馳名銷路日廣惟向所製者祇有大小盒二種大者價洋一元小者價洋五角貧乏之人未免功有所不逮今自三月爲始添製特別小袋計裝八分可戒煙癮三錢售洋一角使有志戒煙而無力者皆脫黑籍而進文明焉乃近來查有無恥之徒假製劣茶其中不知用何藥泡製冒充本藥房名號牌記惟上無洋文下無回春字樣公然在北京等處混售射利不特於本藥房名譽有損且恐購服者貽害匪淺爲此特行登報奉告諸君以後購者務須格外留意勿爲所誤是所切囑本藥房一面已派人四處偵察若有證據立即送官嚴究決不姑寬

天津北馬路回春大藥房啓

[illegible]



本省新聞

◎潘門抄 十二日潘台見 曲周縣吳遠基 南宮縣朱貞保 懷柔孟清變 孟縣張祖詠 無極縣鮑德鄰 補鹽山縣楊源生 候補縣湯世哲 何盛林

◎公立小學招考 保定公立兩等小學現又招生茲將章程開列如左 程度 高等班無論會否入過學堂能通文義合初等小學五年程度者 初等班粗識文字者 學費高等班每月一元 初等班免學費 報名自本年正月十一日起至二十五日止 地址 阜君廟 北白雲巷

各省新聞

◎東三省

◎徐欽帥留待遇韓僑事 吉省沿邊一帶如延吉琿春敦化蛟河濛江各屬韓僑日益增多一切動作及待遇情形亟應派員會同地方官詳細調查庶幾辦法能劃一聞日前徐欽帥咨行吉省各屬請派員確查一切吉據現已札行延吉通務處分行敦化各屬遵照辦理

◎鐵嶺又獲革黨 駐鐵嶺軍隊日前在西關天益棧拿獲張姓革命黨一名當場搜出兇器及革命證據遂取錄解省候候辦聞該黨向有一各團警逃去刻正派兵四出緝拿云

◎新政府自治會 新政府地方自治研究會於初五日開會藉開拜為起點聯絡會友及各士紳亦可為合羣之一助也當由何紳葆臣大發議論略謂地方自治係諸君百姓的事非官兒的事倘事務辦得好則百姓享其福若事務辦得不好亦是百姓受其害諸君若其不於此加之意乎

山東

◎震旦公學封閉之原因 德國膠州總督封閉震旦公學之案其原因實由去年中歷十一月念一日晚九點鐘德督弁到公學言奉膠督命來約陳先生明午三點半鐘到署一談陳云可明午到次日至署署彼通譯云(係其妻因精神通中語故也)今日請先生來無他事因日前接駐北京林欽使來文言在北京閱順天時報載魯撫與外務部京官來往電文知陳先生是山東保國會首領又查案件知陳先生在青島立有震旦公學因此知會駐青督大臣暨文電擬定處置此事分爲兩件 一限期一月勸陳先生出青島 一陳先生所立之震旦公學亦一律關閉陳云保國會一節余雖不爲首領確係該會中之一份子因生於山東實無從貸余出青島可也惟公學係大家創辦並非我一人事實因我一人而封公學似屬於理不當且公學在此不犯國法法律有礙治安亦無封禁之理彼通譯云林欽使督大臣命令如此不好更改陳云貴國若按公理公學斷不能關閉若以強權而論則無不可也此舉未免有傷大國體統通譯默然陳遂辭而出震旦公學遂於十二月四日封閉矣

江蘇

◎所阻洋人入內游獵 鎮江西南五州山境嶺幽雅每逢夏

令外人多至該處避暑去歲有某商人在該山一帶測繪地勢並特槍馬獵鹿各村民莊遊獵現經劉觀察查悉以該處係屬內地已諭洋務局勸阻令其往免騷擾

◎蘇更組織醫學研究所告成 蘇省左廉訪擬設官醫局另設醫學研究所於東善長巷早有成議聞已札委沈旭初觀察爲監督吳次竹大令爲監督蘇省何太守爲調劑縣王振聲大令爲學長茲悉沈觀察以研究醫學須多設深通醫理之員爲參議現已選定四員已照會曹智海部郎馬小岩主政李彬伯大令貝賦琴廣文等四紳承其乏以四紳爲蘇城知名之醫士云

安徽

◎皖撫飭各屬嚴禁差役擾民之札文 差役藉端擾民中國各省隨處皆是其在廉明之吏嚴於取締若輩稍爲斂迹若屬貪殘庸懦之官其下役鮮有不藉端擾民爲地方害者皖撫朱中丞深知其弊又因慮江蘇縣紳糾紛漸多昨出有札文通飭各屬云據成協余統領大鴻呈報訪聞舒一帶叛兵過境地方所棄槍械到處皆有民間拾取其槍者方恃爲利器不肯報其良善之民又恐差役滋擾反致受累如屬江蘇縣紳民人方楚城前曾呈繳槍枝十餘杆由湖北廿九標何管帶轉繳到省並執有該管帶所給收執執照乃頃據該處董事孔漸鴻並方楚城面稱有縣差二十餘人前往楚城提不勝其擾乘間奔赴到省呈報該縣無印信差票藉端滋事重要不可任其棄置尤不可假手胥役致擾鄉民應請通飭各屬兵經過地方各州縣官照會公正紳士就近訪查取存繳送省城軍械局以重軍需而免擾累等情並呈一紙到本部據此查各屬收繳槍械應由紳董差役明白開導俾拾槍人民無所畏懼令其繳出給以銀元豈容差役人等藉端擾累察閱所呈江蘇縣紳民人方楚城私收槍械不呈繳是否有人告發概不登報如果方楚城實有收繳槍械事經該縣訪聞亦應先飭該縣地總驗令呈繳如其抗拒再行傳案訊追何得遽用簽提已屬不合且簽內並不標明差役姓名人數僅填值役二字遂使差役白役得以結黨成羣魚肉鄉愚恣行勒索尤屬糊塗昏聩應令該縣先記大過三次以示懲儆除行司註冊並飭該縣嚴飭差役不得再行傳案訊追外合就通飭札行札到該令即便遵照辦理毋任差役乘機致干重咎切切特札

江西

◎南安匪仍負固 南安府屬龍泉附近已竄入小陳洞前經會同觀察隊開仗槍斃二匪現在匪黨仍踞山洞將待散由前道圍剿賊匪一俟吉安巡防統領督隊到境即行圍剿

◎新喻煤礦之糾葛 贛屬新喻縣屬山有一煤礦山脈巨長產煤甚旺前經縣紳糾集同志合資試辦頗著成效因備山價契買設立益益煤礦公司專辦該礦商議總局頒發執照開採該處有劣生簡朝盛吳德等覬覦此礦運動山主重賞契招集土人百餘逞強私挖橫生阻力該公司恐滋事端遂即停辦縣紳究經石院農大令屢勸周詳詳請林提學司

將簡等衣頂斥革歸案審辦而簡等恃衆負隅抗傳不到石大令因縣中營兵力不足以致彈壓特稟請江府派兵前往解散免釀變端茲將府批錄下 查此案簡朝盛等私挖煤礦勒買契買前已該縣詳請提學憲批准將簡朝盛吳德等項革職究辦至簡朝盛吳德等一節前准該管官移稱弁兵不日當即派往仰該縣一俟兵到會同哨官相機彈壓認真約束毋得騷擾一面拘訊究辦云

浙江

◎山陰會館兩小學考試畢業 紹興山陰縣高等小學均屆畢業期兩縣縣詳請學司派員會考前月十六日山陰江大令奉憲札會同省視學沈佐治員蘇及勸學所總董諸君蒞堂監考會考陳大令亦於是日前往監視云

福建

◎公界章程尙望更改 廈門鼓浪嶼公界章程係福建候補道楊正怡與各國領事簽押其內容損失中國權利甚鉅如第七節云中國官吏在鼓浪嶼公界僅有裁判權不得有行政權且遇有各國籍民控訴案件仍由中國官會同領事公同裁判又未條云公界章程其他所不及載者悉照上海章程辦理又註云鼓浪嶼與清國公界各國公界上海則係租界似有區別云云近有度支部郎中陳子顯君(係同安人)出爲提議集各紳要求各國領事謂所有原定公界章程係庸官簽字認許廈門紳商各界均不承認今應取銷另行改定但簽押已久此事恐難挽回且各國領事類皆爲貪食之計亦未必見許也

湖北

◎開濟公司改辦之近情 漢口開濟公司各輪船因行駛長沙常德等埠虧折難支於去秋稟請督署擬改武漢輪船公渡當奉督批飭勸業道議復日久未見明文該公司股東遂聯名前赴勸業部具稟郵部以一面之詞難以憑信且該公司亦未向農工商部註冊礙難准准將此案原稟仍咨送郵督查明妥爲辦理並將辦理情形見復云

◎湖南軍事要誌 岳州水師杉板所有砲尊多係從前舊式不能合用茲軍門特向湖北鎗砲廠購到新式快砲十餘尊業已到岳當即開演一切尙屬合用 又省城常備新軍添招工程輜重兩隊經楊統領親自到岳即在平江縣一帶招募計共三百餘人刻已招齊開赴省省保衛總局之農民將來加以操演當不難成爲勁旅 又永州府縣日前拿獲總理青紅各教匪首楊益德一名當即正法已詳前報茲悉該匪於光緒二十四年間在湘黔兩省糾集滋事均經官軍擊散逃竄嗣復結交匪類開立山堂議於去年九月間調集匪衆購藏火藥在廣西柳州念經拜斗祭旗起事不意在永未久即被該府縣探得遣兵勇前往拿獲獲匪已聞風早散矣 又聞學撫以此次永州匪案以什長李斌奇之功最爲優著當各弁勇

圍捕匪首楊益德之時楊極力抗拒其力甚大幾有不能抵敵之勢幸李弁持械上前格傷楊匪左臂始獲擒獲特飭令永州鎮永州府縣等速將李弁履歷登在事出力各員一併開單呈核以憑專摺奏請獎敘 又岑帥以此次永州匪案雖係先期破獲在事出力各弁勇均有微勞自應酌量提獎分獎以資鼓勵特於日前札行善後總局飭令速發洋五百元寄交永州府守分別給賞以爲辦理認真者勸

廣東

◎粵路擬行併股法 粵漢鐵路公司內容諸多腐敗頗爲各股東所指摘以致股東會意存觀望第二期股銀至今尙多未交當道者恐因此解散迫得另籌良法以爲補救遂於日前選請各股東開會議定併股之法凡購定五元之票五股現已收過十元即併作兩股併至本公司換給五元股票兩張多則照此逐加以免觀瞻而實補救云

各國新聞

◎日皇促開滿洲交涉之事件 近頃日本政府以屆陽歷新年擬與中國重開滿洲交涉事件聞電致駐京伊集院公使對外務部提出協商之問題 一法庫門鐵道 二沿線煤礦 三間島境界 四新奉接續奉天驛站 五牛家屯支線 接續營口逐一詳陳日本政府之意見知照中國外部要求派員協議云

◎美洲近事彙述 美國所派東京博覽會委員長近將赴會延期之報告書呈送國會聞延期理由以擴張規則爲詳并擬於一千九百十四年將該事務局撤去云 又聞美國排日黨三件已由下院共和黨總理某氏在加州州會提議該氏對於日本新聞紙言論提問一切并言者事雖美大總統不能干涉必求排日目的而後已茲將所提之事項錄下 一關於學校事件應於加州政治法第三百二十條加入土人蒙古以及支那兒童皆得另設學校惟不收容日本人字樣 二關於社會重役事件加州會社法第一千六百六十條加入外國不得執行重役 三關於居住事件官署最惡不潔如居住者依本來習慣致令公安及道德衛生之市官有限定居住區域之權

◎美員欲平和日美之祖語 舊金山電云美加利尼尼亞巡撫巴德君上議院議員阿利維君與美陶孟君另有海軍部員一名與美國商人多名現往日本并被介紹遊覽日本曾對日本人稱該國會中人願將美人反對亞人黨所發禁止日人置產于加利尼尼亞之條件盡力排斥司丹福大學校長橋藤君亦願相助但反對黨持大堅恐難改其故態也

◎東亞同文會開冬大會 東歷十二月二十二日東亞同文會在東京樓出俱樂部開冬大會會長錫島侯爵副會長清浦男爵及同文書院長細川君等四十餘人皆先後蒞會會長錫島侯爵開會辭次由幹事長根津君報告會務之進行終有錫島會長之清國旅行談等語極一時之盛迫閉會時已鐘鳴五下矣



奏摺

度支部奏遵

旨妥議清理財政

辦法摺

奏為遵 旨妥議清理財政辦法恭摺陳仰祈 聖鑒事  
光緒三十四年十二月初十日內閣奉 上諭前據度支部奏清理財政宜先明定辦法一摺當經交會議具奏茲據覆奏詳加披覽與度支部原奏大致相符更有補原奏所不足之處全國財政攸關不厭詳求著將原奏各摺件一併再交度支部妥慎斟酌另行具奏欽此欽遵由內閣鈔出到部仰見我 皇上慎重財政 睿慮周詳莫名欽感竊維理財為庶政根本故憲政籌備即以清理財政為初基度支部用滙歸則清理章程自以統一財權為先務臣部前奉 明詔頒布清理財政章程深慮權限未明即章程亦成虛設故先舉其大者數端以便從事清理於是臣等有明定辦法六條之奏蓋為遵 旨清理財政起見並非於內外臣工強相執難也此次會議政務處覆奏大致以各省辦事之艱難疑臣部操持之過急既經統一之議仍多遲就之詞臣等一再推求亦知積重之弊勢難驟返顧以迫於事急無旁貸現奉 諭旨令臣部妥慎斟酌另行具奏自應遵款詳請期臻妥善敬為我 皇上縷晰陳之一覆奏稱籌借外債統歸度支部主持咨明外務部會商辦理又稱各省如願自向外國放債之人相商者准商酌定辦法仍歸度支部立約承辦一節查整理國債自係臣部專責外債關乎交涉自應咨明外務部以昭妥慎外債流弊言之疚心去年六月間臣部經有豫為裁制之奏此次大臣等原奏慎重外債固深慮權紛歧漸開侵蝕之路亦欲使預算適合不誤清償之期而用意實在於不使輕易籌借無論應否舉債准由各部各省自向放債之人商定辦法去由臣部出名承借是放任仍舊而中央財政益滋其患也請嗣後各省各債必不得已舉借外債應先經臣部核准由臣部會同外務部奏明再由臣部出名訂借交該部該省領用各省不得逕向外國訂借如此則該債指抵之款償還之期自應由臣部合計全局核算核定其從前各省已借洋債應如何分年歸還均令各省於國家稅地方稅劃分以後如何分期償還切實籌報立案至國家稅地方稅劃分以後如何分期動用亦應詳為籌報以免屆期轉轉二覆奏稱在京各衙門款項分別應隨時報明度支部其應銷款項照常支撥如有浮收溢費可咨商該衙門切實核減概令解交部庫再向庫領支錢糧以 國初費用之簡而立法之嚴尚且如是近日在京各衙門款項乃自取用臣部無從過問前年內閣學士吳郁生奏請明定養廉統籌一辦法近日御史謝遠涵奏官祿不均請一財權而除積弊各摺片皆以各部自私自利用為言臣等實引以為戒現當籌備憲政財政統計又為臣部專責若中央財政任成分割之形殊非憲政國庫獨立之法且臣部既司國庫則盈虛實劑具有權宜若仍令各衙門自為收支則肥瘠不均追難制用覆奏謂徒費周折是仍多遷就之意應請嗣後在京各衙門將現在已籌及將來應籌之款分別情形或由臣部直接撥收或由各衙門經收統由部庫收發各衙門應銷款項暫仍照舊支撥將來隨時損益如有不敷再由臣部核定奏明撥補以資辦公三覆奏稱各省官銀錢所出紙票應由公家擔其責成自應由部稽核但須聲明此舉專為稽查票數成本起見所有盈利仍歸該省支銷並不提撥一節查各省官銀錢發出紙票其濫惡實過於日本明治初年之濫札札收日深隱憂滋大聞湖北江蘇等省為數尤鉅近外人以事關商務會照會此等紙票是否國家擔認各省既向不咨報無從知其底蘊臣等難於答覆近日各商埠銀根奇緊危險迭出沿沿之勢為害何堪設想各疆臣既濫此利源自當擔此責任籌本金保信用必已夙有權衡而臣等私憂過計作此未雨之綢繆蓋懼其害非其利也覆奏謂由公家擔其責成且沾沾以盈利為言均未深明此中弊害應請 旨飭下各省督撫所有現開官銀錢無論新設新設開辦年及資本實數現在發出紙票若干預備金若干經理協理何人限六個月逐一詳細列表送部以憑稽核而期核實郵傳部交通銀行亦一律辦理四覆奏稱各省關涉財政事件除非常變故外遇變通成法須先咨部籌辦並分別內銷外銷咨部辦理俟清理款項後酌留若干以備特別之用一節查各國制定預算一切經費均須照預算案支出而預算案內有第一預備金以備預算內不足之用第二預備金以備預算外事故之用此外設有軍事及其他災害鉅需非普通預備金足以濟事者則更有追加預算之法臣部此次奏定清理財政章程第十四條內開自宣統二年起逐年將東外各處送到預算報告詳細核定奏請施行又第二十二條內開遇有臨時特別重要支款未經列入預算冊或已列預算冊而收不足額不敷所出由該省督撫會同商臣部隨時奏明酌量籌撥是各省試辦預算以後凡款項皆入預算冊自不能仍沿外銷之名預算本可追加自無妨於留特別之款此次臣等原奏係為清理財政令各省將向來外銷款項據實報部以便確知全國歲入歲出總數為劃出國家稅地方稅地步應請 旨飭下各省督撫將該省出入款項無論向何報部向何外銷照臣部覆奏御史趙炳麟奏請定立預算決算及會議政務處覆奏該御史奏統一財權整理國庫內所陳辦法通盤調查據實報部不准絲毫隱飾至各省關涉財政事宜自非軍務災賑迫不及待者均應照臣等原奏所稱未經臣部核議概不准行至所稱每省選派一二員限三個月來京赴度支部面為籌商一節原為劃清款項起見現在清理財政章程甫經奏定一切款項無從劃分應俟財政清理就緒後再由各省派員赴部籌商五覆奏稱藩司歸部考核所奏財政每年造報冊查一節查臣部奏定清理財政章程第十一條內開自宣統元年起各省文武大小衙門局所應出入各款按月編訂報告冊送清理財政局由局彙編全省報告總冊按季呈由督撫咨部各省清理財政局係以藩司為總辦是藩司既為該省總辦財

政之官即兼任清理財政之責所管款項按月由司報局按季由局報部藩司按月報告固不至以繕造為勞而臣部按季綜核亦不至以閱算為難應即遵照章程辦理且查外官官向准直揭部科藩司為臣部行政之官更應聲息相通以收指臂相聯之效嗣後遇有關於財政稍為重大事件除隨時詳報該管督撫外仍應一面徑報臣部以重考核六覆奏稱各省造報另定冊式並展寬限期加重處分一節查各省造送預算決算報告冊應定期限臣部業於清理財政章程內分別奏定並聲明所定期限如有任意逾限以致預算決算無從預備貽誤憲政者該藩司或度支使由臣部據實奏參等語應即遵照章程辦理至預算決算報告各冊與從前報銷舊案不同自應另訂冊式臣部現擬逐一釐訂交清理財政局彙送呈送逾限處分宜如何加重之處應由臣部會同吏部斟酌擬訂另行具奏其宣統二年以前預算案未經成立一切報銷期限處分仍遵照舊例切實辦理以上六條或為臣等原奏所未議及或與臣等川憲稍有不符均逐款詳陳以期合於統一分明之義至覆奏內稱統一之本首重平通分明之源莫先乎信自保扼要之論惟謂部中於外省款項每令其據實報明聲言決不援用及至報出往往食言故外省常畏其相詰等語查各省外銷款項固非盡屬虛糜故前年臣部議覆御史趙炳麟請定立預算決算摺內奏令各省將外銷款項通盤籌畫悉數奏明果係實在應用即當予以劃留撥充此意開誠布公固告各省存案而各省至今竟不置覆是外銷究係何款臣部從未預知所謂及至報出往往食言者果何所指政體攸關未便以此等虛詞為臣部叢詬之地揆之事實殊有未合又覆奏內稱外省用款但據實開報即予准銷不以憑空之理想遙為臆斷不以陳年之舊例強為相繩使臣部視之為助我之人不長之為扼我之人臣部為期廷使任大臣其可信則於財政一端不必致疑等語各省用款歸部核銷准駁之權固有在從前則案銷本有定式倘各省捏造則核亦為具文然合此則蕩然無存所守年來新政繁興本無例案可引而臣部核銷各案自非不符實甚並未嘗苛以相繩至於數官分職本內外相維將來應政成立仍當設立審計院即臣部會計亦在察核之列謂為相阻謂為致疑均非中正之論總之與天下相見以誠而後可無隔閡必內外俱為一體而後可言事功自財政艱難日趨窮蹙已竭力補苴之不暇更何論庶政之待興長此因循實為非計臣等一再遲遲籌之至悉固知積習既久驟予更張非常之原黎民權若若內外臣工受 國恩厚當籌備憲政之始基為統一財權之計實似未便膠執成規有內外畛域之分自不得隱飾相蒙仍彼此隔閡之弊現在 朝廷百度維新 特飭臣部清理財政在臣部固屬除煩文為實事求是之政各部院各督撫亦當念 國計關係之重臣部核之難推誠布公協力相助俾臣等得舉其職權而財政庶期於整理區區愚誠不得不再行披瀝上陳伏乞 飭下京外各衙門合力同心共維大局臣部幸甚財政幸甚所有遵 旨酌議清理財政辦

法緣由謹恭摺具陳伏乞 皇上聖鑒訓示謹 奏光緒三十四年十二月二十五日奉 旨著依議欽此

吏部奏酌擬傳補御史辦法摺  
奏為奏明請 旨事查臣部變通傳補御史章程內開新章保送御史既經欽奉 諭旨照例考試候 特科保薦之例按照 欽定試卷名次帶領引 見候 記名後通行宣示將來即以 記名之前後為傳補之次序仍每缺帶領三人恭候 簡用一員所有京外各衙門應調及各人員階俸次但保新章准其保送之員概免比較又舊章名人員祇餘一員即專以一員擬補各等因光緒二十三年九月二十二日具 奏奉 旨依議欽此欽遵辦理在案今查滿洲 記名御史舊例中僅有玉春一員三十一年九月 遺 旨考試 記名御史未傳補臣等竊維此項 名御史一切考試保送悉照漢員辦理核與滿員舊例迥不相同若於傳補時仍以官階俸次為傳補先後殊不足以昭畫一擬請嗣後遇有缺出除宗室人員向由宗人府辦理應仍舊外其滿洲新舊 記名各員即按照臣部奏定變通新章以滿漢之至意再蒙古御史缺出亦擬仿此辦理是否有當謹摺具陳伏乞 皇上聖鑒訓示謹 奏光緒三十四年十二月十九日奉 旨依議欽此

商務調查

糧食行市

各國匯票行市		糧食行市	
現期	二先令五辨士六之三	新舊白米	七元六
四個月	二先令六辨士六之七	紅米	四元四
六個月	二先令六辨士六之九	春麥	五元五
八個月	二先令六辨士六之十	白米	四元二
十個月	三先令六辨士六之十一	白米	三元七
十二個月	三先令六辨士六之十二	白米	三元七
現期	三先令六辨士六之十三	白米	三元七
四個月	三先令六辨士六之十四	白米	三元七
六個月	三先令六辨士六之十五	白米	三元七
八個月	三先令六辨士六之十六	白米	三元七
十個月	三先令六辨士六之十七	白米	三元七
十二個月	三先令六辨士六之十八	白米	三元七
現期	三先令六辨士六之十九	白米	三元七
四個月	三先令六辨士六之二十	白米	三元七
六個月	三先令六辨士六之二十一	白米	三元七
八個月	三先令六辨士六之二十二	白米	三元七
十個月	三先令六辨士六之二十三	白米	三元七
十二個月	三先令六辨士六之二十四	白米	三元七
現期	三先令六辨士六之二十五	白米	三元七
四個月	三先令六辨士六之二十六	白米	三元七
六個月	三先令六辨士六之二十七	白米	三元七
八個月	三先令六辨士六之二十八	白米	三元七
十個月	三先令六辨士六之二十九	白米	三元七
十二個月	三先令六辨士六之三十	白米	三元七

金市		銀錢行市	
現期	七元二	新舊白米	四元七
四個月	七元二	紅米	四元七
六個月	七元二	春麥	五元七
八個月	七元二	白米	四元七
十個月	七元二	白米	四元七
十二個月	七元二	白米	四元七
現期	七元二	白米	四元七
四個月	七元二	白米	四元七
六個月	七元二	白米	四元七
八個月	七元二	白米	四元七
十個月	七元二	白米	四元七
十二個月	七元二	白米	四元七
現期	七元二	白米	四元七
四個月	七元二	白米	四元七
六個月	七元二	白米	四元七
八個月	七元二	白米	四元七
十個月	七元二	白米	四元七
十二個月	七元二	白米	四元七



